



Na osnovu člana 1.5 i 20.12a Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18, 25/20 i 32/23), a u vezi s članom 6. Uputstva o vrstama, načinu i rokovima za određivanje biračkih mjesta („Službeni glasnik BiH“, broj 31/24), Centralna izborna komisija Bosne i Hercegovine je na 51. sjednici, održanoj 12.08.2024. godine, d o n i j e l a

O D L U K U
o određivanju biračkih mjesta za glasanje u diplomatsko-konzularnim predstavništvima Bosne i Hercegovine

Član 1.
(Diplomatsko-konzularna predstavništva BiH u inostranstvu u kojim će se organizovati glasanje)

Na Lokalnim izborima u Bosni i Hercegovini 2024. godine, za državljane Bosne i Hercegovine koji privremeno žive u inostranstvu i imaju biračko pravo, organizovat će se glasanje u diplomatsko-konzularnim predstavništvima Bosne i Hercegovine (u daljem tekstu: DKP BiH), kako slijedi:

R/B	Naziv zemlje	Naziv DKP BiH	Grad u kojem se nalazi DKP BiH	Redni broj biračkog mjesta	Ukupan broj birača
1.	Republika Srbija	Ambasada BiH u Beogradu	Beograd	SR 01	196
2.	Savezna Republika Njemačka	Generalni konzulat BiH u Minhenu	Minhen	DE 01	182
3.	Savezna Republika Njemačka	Ambasada BiH u Berlinu	Berlin	DE 04	157
4.	Republika Austrija	Ambasada BiH u Beču	Beč	AT 01	140
5.	Savezna Republika Njemačka	Generalni konzulat BiH u Frankfurtu	Frankfurt	DE 02	73

6.	Republika Austrija	Počasni konzulat za Gornju Austriju	Linz	AT 04	64
7.	Kraljevina Danska	Ambasada BiH u Kopenhagenu	Kopenhagen	DK 01	64
8.	Republika Austrija	Počasni konzulat BiH u Grazu	Graz	AT 02	61
9.	Savezna Republika Njemačka	Generalni konzulat BiH u Stuttgartu	Stuttgart	DE 03	58
10.	Kraljevina Nizozemska	Ambasada BiH u Hagu	Hag	NL 01	57
11.	Republika Austrija	Počasni konzulat BiH u Salzburgu	Salzburg	AT 03	56
12.	Republika Slovenija	Ambasada BiH u Ljubljani	Ljubljana	SI 01	53
13.	Kraljevina Švedska	Ambasada BiH u Stockholmu	Stockholm	SE 01	49
14.	Kraljevina Belgija	Ambasada BiH u Briselu za Belgiju i Luksemburg	Brisel	BE 01	44

Član 2.

(Diplomatsko-konzularna predstavništva BiH u inostranstvu koja ne ispunjavaju uslove za organizovanje glasanja)

Centralna izborna komisija Bosne i Hercegovine neće organizovati glasanje za Lokalne izbore 2024. godine u preostalim DKP-ima BiH u inostranstvu, navedenim u Odluci o diplomatsko-konzularnim predstavništvima Bosne i Hercegovine u inostranstvu, u kojima se planira organizovanje glasanja za Lokalne izbore u Bosni i Hercegovini 2024. godine („Službeni glasnik BiH“, broj 31/24), iz razloga što u istim nisu ispunjeni uslovi propisani članom 6. stav (2) Uputstva o vrstama, načinu i rokovima za određivanje biračkih mjesta.

Član 3.

(Ostvarivanje biračkog prava za birače registrovane za glasanje u DKP-ima BiH u kojima nisu ispunjeni uslovi za organizovanje glasanja)

Državljanima BiH koji su se prijavili za glasanje lično u DKP BiH u inostranstvu, a nisu ispunjeni uvjeti za glasanje u DKP-u, omogućit će se glasanje poštom, o čemu će biti obaviješteni od strane

Centralne izborne komisije Bosne i Hercegovine u skladu s članom 6. stav (3) Uputstva o vrstama, načinu i rokovima za određivanje biračkih mjesta, najkasnije 40 dana prije dana održavanja izbora.

Član 4.
(Stupanje na snagu i objava)

Ova Odluka stupa na snagu danom donošenja a objavit će se u „Službenom glasniku BiH“, „Službenim novinama FBiH“, „Službenom glasniku RS“, „Službenom glasniku Brčko distrikta BiH“ i internet-stranici Centralne izborne komisije Bosne i Hercegovine www.izbori.ba.

Broj: 05-1-02-2-1475-1/24
Sarajevo, 12.08. 2024. godine



Predsjednica

Dr. Jovana Hadžiabdić